



JAKO KUPČO
KUPČI AKADEMIE
VIA SLOVAKIA

585797-

- 585808

Mag. St. Dr.

I



585797-

-585808

Mag. St. Dr.

Christiani Kisü áog. d. 22. Junii

810
21

Ther
6242

Sum Christi
ad 1686. 7. 17. 18.

vide Dreier, Diss. 3. Pontificis de hac m^a a^o 1649. editam p. 831.

Disputatio Theologica

De

IGNE PURGA-
TORIO, QVEM CREDIT
ROMANA ECCLESIA,

Divina favente gratia

Consensu Veneranda Facult. Theol.

SUB PRÆSIDIO

CHRISTIANI DREIERI

Pomer. SS. Theol. Doct. & Prof. P.

Ventilationi publicæ

exposita

VALENTINO SCHRÖTTERO,
GOLD. CURLAND.

Ad diem 21. Septembr. horis matutinis

In Auditorio Majori.

REGIOMONTI prælo REUSNERIANO,
ANNO 1645.

ILLUSTRISSIMO & CELSISSIMO PRINCIPI
ac DOMINO,
DOMINO JACOBO,
In Livoniâ, Curlandiæ & Semgalliæ Duci, &c. &c.
Domino meo Clementissimo,

Ut Et
ILLUSTRISSIMÆ CELSISSIMÆq; PRINCIPI ac DOMINÆ,
DOMINÆ ELISABETHÆ MAGDALENÆ,
è Celssimo Illustrissimorum Pomeraniæ Ducum stemmate
oriundæ, in Livoniâ, Curlandiæ & Semgalliæ
Duci &c. &c.

Domina mea Clementissima

SALUTEM!



Gnoscat audaciæ meæ Clementia Vestra, Celssissimi Principes, quod exiguas hæc pagellas Augustis Vestris Nominibus inscribere non dubitaverim. Neq; enim tantæ sunt, ut tam Illustre patrocinium eas mereri existimem. Sed quicquid hic factum est, id omne debita erga Illustriss. Vestras Celssitudines devotioni adscriptum velim. Hæc me diu subdubitantem tandem egit, ut qualicumque munusculo gratitudinem & subam erga Vestras Celssitud. sub quarum tutelâ natus & publicè testarer. Hunc devotum animum Illustriss. Celssitudines pensabunt, & sereno vultu hoc, quicquid est, suscipiant. Ego spe firmâ nitor, fore, ut sancto studia mea prosperante Numine, majus quid olim in bonum patriæ meæ conari & Vestris Celssitudinibus offerre queam. Hanc spem sui Clientis Clementia Vestra & propensus in sacra studia favor, ut hactenus fecit, sic porro fovebit & promovebit. Ita peto submisit, qui nunquam desistam pro felicitate Illustriss. Vestrarum Celssitudinum preces ad Deum funderet. Is Celssitudines Vestras cum totâ Illustri domo diu sospitet, omnibus earum consiliis adsit, & quicquid ipsis ex voto sit, affatim largiatur. Dabam Regiomonti 6. Idus Sept. clb. lxx. XLV.

Illustriss. Vestrarum Celssitudinum.

Subiectissimus

VALENTINUS SCHRÖTTERUS.

585794 - 585808

THESIS I.

Sicut in multis aliis Ecclesiam successu
temporis Gentilium erroribus infectam depre-
hendimus, quod Ethnici ad Christianam reli-
gionem conversi superstitiones suas non statim
ex animo deponerent; ita vel maxime in do-
ctrinâ de statu animæ post hanc vitam illud contigisse animad-
vertimus: Platonica enim Philosophia in primis seculis pleriq;
qui sapere sibi præ cæteris videbantur, erant addicti; Platoni-
cum verò & apud Gentiles passim receptum dogma erat de ho-
minibus valde bonis, quorum animæ in cælum ascenderent; val-
de malis, quorum animæ in Tartarum præcipitarentur; & me-
diis, quorum mentes per Acherontem in paludem igni ardentem
veherentur, ubi peccatorum pœnas exsolverent, & tam diu pur-
garentur atq; expiarentur, donec puræ & sanctæ inde exirent.

II. Eusebius hæc de re differit lib. I. Præparat. Evang. cap.
ult. ubi descriptis fluviiis infernalibus, ex Platonis sententiâ hæc
subjicit: Qui videntur propter peccatorum magnitudi-
nem, ut sunt sacrilegia, homicidia illegitima, & similia,
insanabiles esse, illi conjiciuntur in tartarum, unde
nunquam possint evadere. Qui verò excellenter san-
ctè vixerunt, supra ascendunt in purissimas habitatio-
nes, ubi sine labore vivunt in futurum tempus. Qui
verò mediocriter vixerunt, illi per Acherontem in
paludem igni ardentem devehuntur, ubi peccatorum
pœnas exsolvunt & purgati, lustrati seu expiati absol-
vuntur seu redimuntur, si quid deliquerunt: Deinde
benefactorum præmia recipiunt. Ex eorundem Platoni-
corum sententiâ Virgilius libr. 6. *Æneid.* hos scripsit versiculos:

Exgò exercentur pœnis, veterumq; malorum,
Supplicia expendunt: Aliæ panduntur inanes
Suspensæ ad ventos, aliis sub jurgite vasto
Infectum eluitur scelus, aut exuritur igni.

ani Kirü.

III. Hinc Bellarminus lib. I. de Purgator. cap. XI. Purgatorium, inquit, confitentur gentiles tam Philosophi, quam Poetæ, ut patet ex Platone, Cicero-
ne, Virgilio & Claudiano. Ipsi igitur fatentur ad-
versarij, Purgatorium ex Gentilismo originem traxisse, & potius in
Gentilium, quam Prophetarum & Apostolorum scriptis queren-
dum esse. Non igitur dubium, cum Gentiles ejusmodi opinion-
ibus infecti Ecclesiæ aggregarentur, quin simul ipsis Ecclesiasticis
dogmatibus aliquid istius fermenti adhaerit. Nec tamen in se-
culi II. Scriptoris quicquam reperimus, præterquam, quod
Irenæus lib. I. c. 18. scribat, quosdam hæreticos suo tempore immi-
sisse defunctorum capitibus oleum & aquam, cum certis invoca-
tionibus, atq; sic defunctorum animabus promississe redemptionem.

IV. Sequentibus verò temporibus Patres diversimodè lo-
cuti sunt, occasione loci difficilimi 1. Cor. 3, 13. & seq. quem non
nulli secundum litteram acceperunt de vero quodam igne proba-
torio, & sic Platoniorum sententiam accommodare cœperunt.
Primus ex his fuit Origenes seculo III. qui & alios gravissimos
fovit errores, sed tamen nihil aliud voluit, quam cujusq; opera
in die futuri judicii rigoroſè examinanda esse, & malos igni, for-
san quo mundus conflagrabit, probandos atque sic salvandos.
Quâ ratione & alij locum illum interpretati sunt, ponentes i-
gnem hunc, non ante resurrectionem mortuorum & extremum
judicium cum Pontificiis, sed post illud seu in illo, ut Lactantius
Firmianus lib. 7. c. 21. ex seculo IV. Gregorius Nazianzenus, Ba-
silius, Gregorius Nyſſenus; ex Latinis Hilarius & Ambrosius.

V. Hieronymus præsertim eundem locum citat in Esai.
cap. ult. ubi de supplicio ipsorum damnatorum differit, usq; jux-
ta sententiam Originis spem liberationis facit: Sic peccato-
rum, inquit, atque impiorum & tamen Christiano-
rum, quorum opera in igne probanda sunt atque
purgan-

purganda, moderatam arbitramur & mixtam,
clementiæ sententiam iudicis. In hunc locum Hiero-
nymus inciderat Augustinus, & quia ipsi displicebat sententia, quæ
spem relinquebat Christianis damnatis, eam refutare annisus
est in Enchiridio cap. 67, 68, 69. & ad Dulcitium quæst. 1. ubi do-
cet, per lignum, fenum, stipulam, non posse intelligi peccata gra-
via damnatorum, sed levia duntaxat fidelium. Inde addit, in
hac vitâ posse etiam ignem illum probatorium & purgatorium
dari, quando quis constans in fide & amore Christi in temporali-
bus jacturam cum aliquo dolore tolerat, ne Christum amittat,
atq; sic exponi posse existimat hunc ignem de tentatione tribu-
lationis. Mox subjicit, tale quid etiam post hanc vitam
fieri incredibile non esse, & utrum ita sit, quæri
posse.

VI. Eundem locum tractat in libro de fide & operibus
cap. 15. & seqq. & pariter initio falsam sententiam de Purga-
tione gravium peccatorum per pœnas inferni temporarias reji-
cit, addens hæc verba: Si ista & vera & clara sunt, procul
dubio in illâ Apostoli sententiâ alius requirendus est
intellectus; atq; in his deputanda est, quæ Petrus di-
cit: Esse in scriptis ejus quædam difficilia intellectu,
quæ non debent homines pervertere ad proprium
suum interitum. Et postea cap. 16. Sive ergo in hac vitâ
tantum homines ista patiuntur, sive etiam post hanc
vitam talia quædam judicia subsequuntur, non abhor-
ret, quantum arbitror, à ratione veritatis iste intelle-
ctus hujus sententiæ. Ex quibus omnibus manifestum est, Au-
gustinum primum hanc sententiam de igne purgatorio ante re-
surrectionem mortuorum & extremum judicium proposuisse,
nec tamen eam pro certâ defendisse, sed ut problema in medium
projecisse, de quo disputari posset.

VII. Quod

VII. Quod tamen ipsi ad hoc ansam præbuerit Philosophia Platonica, cui ille nimium addictus fuit, patere potest ex lib. 21. de Civit. Dei c. 13. ubi citatis versiculis ex Virgilio, quos supra adduximus, exponit sententiam Platoniorum & subdit: Sed temporarias pœnas alii in hac vitâ tantum, alii post mortem, alii & nunc & tunc, veruntamen ante iudicium illud severissimum novissimumq; patiuntur. Apparet igitur, quod seculo V. demum sententia de Purgatorio privatâ auctoritate & dubie quidem fuerit proposta. At subsequenter temporibus suis invenit adstipulatores & in publicos Ecclesiæ cœtus irrepsit, præsertim sub Gregorio I. qui, præcipitante seculo post Christum natum VI. Patriarchatum Romanum tenuit, & id, quod Augustinus probabile dixerat, simpliciter asseruit, si ejus sunt Dialogi, qui vulgò ipsi tribuuntur: Quin fictitiis revelationibus & prodigiis animarum apparitionibus hoc dogma confirmare ausus est, ut constat in primis ex lib. 4. Dial. c. 40. Atq; sic hujus viri audaci assertione effectum est, ut totam Ecclesiam Occidentalem hic error pervaserit.

VIII. Pontifices enim & Clerus Romanus, cum viderent, quantum ad opes suas exaggerandas hac doctrina faceret, illam mordicè tenuerunt, nec unquam ex ore & pectore sibi excutiri passi sunt. Unde tandem Johannes XIX. quadringentis post Gregorium M. annis, sub initium seculi XI. imperante Henrico Claudio, festum peculiare, quo pro animabus in Purgatorio oraretur, instituit, severeq; id coli præcepit, nullâ aliâ ratione, quàm fictitiis Angelorum revelationibus & superstitiosis animarum apparitionibus adductus. Sicut & Sigebertus refert, ea tempestate peregrinum quendam narrasse, auditas sibi in Sicilia apud Ollas Vulcani animarum tormenta patientium querelas, quin & demonum, eripi sibi animas plangentium precibus Monacho-

nachorum Cluniacensium, quâ de causâ Odilo Abbas memoriam
omnium animarum sanxerit.

IX. Dehinc seculo XV. anno c. l. cccc. xxxix. in Con-
cilio Florentino Purgatorium inter capita seu articulos fidei rela-
tum est. Quâ de re ita habent litera Unionis cum Græcis sess.
ult. pridie Nonas Julij subscriptæ: Item definimus, si pœ-
nitentes in DEI charitate decesserint, antequam
dignis pœnitentiæ fructibus de commissis & o-
missis satisfecerint, eorum animas pœnis Purga-
torii post mortem purgari, & ut à pœnis hujus-
modi releventur, prodesse eis fidelium vivorum
suffragia, &c. Tota quidem Orientalis Ecclesia nunquam
admisit Purgatorium, attamen Græci in hoc Concilio præsentés
cum Imperatore Johanne Palæologo in gratiam Occidentalium,
à quibus auxilia adversus Turcam sperabant, aliquid concessé-
runt. Caterum Marcus Ephesinus cum aliis nonnullis huic ce-
terorum legatorum concessioni palam contradixit, nec reliqui
Episcopi, qui domi manserant, eam ratam habuerunt. Idcirco in
Epistolâ ad Bohemos anno c. l. cccc. l. die xviii. Januarij
biennio ante captam Constantiopolim scriptâ, à Chytræo editâ,
simulatam Florentia unionem, quæ rectius divisio sive distractio
à veritate appelletur, se non admisisse, sed prorsus annihilasse,
scribunt.

X. Quapropter in solâ Occidentali Ecclesiâ dogma de
Purgatorio enatum est, nec terminos aut limites ejus excres-
cit. Græca seu Orientalis Ecclesia semper ab eo fuit immunis,
quod ipsi tandem Pontificij autores fateri coguntur. Alphonsus
de Castro lib. 8. de Hæres. cap. de Indulgentiis: Usque in ho-
diernum diem, inquit, Purgatorium à Græcis non
est creditum. Et Jodocus Coccinus Tom. 11. Thesauri
lib. VII. articul. V. Græci, inquit, & Moscovitæ, et
si

si funebre sacrum pro defunctis faciunt, tamen Purgatorium negant. Imo nec ipsi Latini simul omnes, sed successu temporis sensim hoc dogma receperunt, teste Johanne Fischero Episcopo Roffensi in confutatione Lutheri artic. 18. Tandem Tridentinum Concilium sub Pio IV. Pontifice Anno c. 15. D. LXIII. decretum Florentinum reperit & sub anathematis interminatione edixit, ut hac doctrina de Purgatorio à Christi fidelibus ubiq. crederetur sess. VI. Can. XXX. Inde & alij hunc articulum ad eò creditu necessarium dictitarunt, & etiamnum dicunt, ut, qui non credit Purgatorium esse, eum ad illud nunquam perventurum, sed in gehennà sempiterno incendio cruciandum, minentur, ut loquitur Bellarminus lib. I. de Purgat. c. XV.

XI. Dicunt autem Adversarij Purgatorium locum quendam, in quo tanquam in carcere post hanc vitam purgentur animæ, quæ in hac vitâ non plenè fuerunt purgatæ, ut nimirum sic purgatæ in cœlum ingredi valeant, quò nihil intrabit coquinatum, quam definitionem Bellarminus suppeditat lib. I. de Purgat. c. 1. & de hoc dicit totam controversiam esse. Nam quaestiones de circumstantiis Purgatorij, ubi sit hic ignis, an in terrâ, an alibi; qualis aut quantus sit, non esse definitas ab Ecclesiâ asserit, & proinde in his sententias Theologorum non esse articulos fidei. Nihilominus probabile ajunt, quod tradunt Scholastici de quatuor sub terrâ receptaculis seu sinibus, quorum unus sit pro damnatis inferniis; alter pro purgandis, Purgatorium; tertius pro infantibus sine baptismo decedentibus, Limbus infantum; quartus pro iustis, quem limbum Patrum dicunt, eumq. jam vacuum, postquam Christus in descensu ad inferos Patres inde educerit. Sic & probabile dicunt, quod sit verus ignis corporeus, sed non de fide.

XII. Id verò ipsis certum est & de fide, quod Purgatorium sit non pro damnatis, nec pro iis, qui sine omni culpâ & reatu pœnæ decedunt, sed tantum pro iis, qui cum venialibus culpis moriuntur, vel qui decedunt cum reatu pœnæ, culpis jam remissis, ut loquitur Bellarminus lib. II. cap. I. Qui enim cum culpâ mortali extremum diem claudunt, statim ad inferni æternas pœnas relegari asserunt; qui omni culpâ & reatu pœnæ vacant, illis, ex eorum sententiâ, liber patet in cœlum com meatus, tametsi illorum paucissimi sunt, ut, qui mox à baptismo moriuntur &, qui baptizantur in sanguine, martyres; reliquos hanc pœnam vix evadere existimant, sicut dicit Bellarminus lib. I. de Amis. Gratiæ & statu peccat. cap. XIII. pœnam Purgatorii vix ullos justos homines, nisi ex magnâ Dei misericordiâ, evadere, ita, ut rectâ ex corpore ad cœlum evolent.

XIII. Certi etiam sunt de duplici pœnâ Purgatorii, unâ damni, ut vocant, alterâ sensûs: Pœnam damni dicunt carentiam divinæ visionis & cœlestis gloriæ: Quia enim animæ vehementissimè desiderant cum Deo perfectâ fruitione conjungi; idcò ex hujus conjunctionis defectu & dilatione vehementissimè eas angistatunt. Pœnam sensûs dicunt ipsos cruciatus, quos sentiunt ex igne Purgatorio, quem volunt specie eundem esse cum igne infernali, qui torquet damnatos. Theologi fere omnes, inquit Bellarminus lib. II. cap. VI. docent, eodem loco esse & eodem igne torqueri damnatos & animas Purgatorii. Itaque ipsis nihil differt ab infernali igne exceptâ æternitate: Temporarias enim esse volunt pœnas Purgatorii, de quarum duratione sic loquitur Becanus in Manuali: Manent animæ in illâ pœnâ, (nisi aliunde juventur) donec perfectè expiatae sint per sufficientem passionem, quæ sit proportionata reatui pœnæ temporalis, cui obnoxia sunt. Unde, sicut alia cum majori reatu

B. pœnæ

poenae temporalis, aliae cum minore veniunt ad illum locum, sic aliae citius, aliae tardius inde liberantur.

XIV. *Juvvari autem volunt animas per suffragia viventium, quorum tria genera esse dicit Becanus lib. 1. Manual. cap. VIII. quaest. altera n. VI, sacrificium missae, orationem, opera qualibet poenalia & satisfactoria, ut sunt eleemosyna, jejunia, peregrinationes & similia. Etenim in Sacramento poenitentiae statuunt virtute clavium removeri quidem poenam aeternam peccatis debitam; remanere verò temporalem, quæ tùm in Purgatorio, tùm in hac vitâ luenda sit; et hanc eandem poenam virtute earundem clavium converti in satisfactiones, quales sint orationes, eleemosyna, jejunia, vigilia, disciplina sive flagellationes & similes. Et hujusmodi satisfactiones vel ipsa persona in hac vitâ perfecte pro se, vel alia pro eâ jam defuncta exsolvere potest, ut eo citius è Purgatorio liberetur. Imò dicunt, extare thesaurum quendam ejusmodi satisfactionum in Ecclesiâ, quem Pontifex, vel cui ille hanc potestatem fecerit, defunctis applicare possit, ut per eas è Purgatorio liberentur. Inde tanta sacerdotum & altarium multitudo, & tot Missarum privatarum demurmurationes, & si quid præterea superstitio peperit.*

XV. *Hæc est publica Romana Ecclesiæ doctrina de Purgatorio, quam Ecclesiæ Augustanæ Confessioni addictæ jam inde ab initio reformationis rejecerunt, & etiamnum improbant. Nul- lum enim pro hoc, quem venditant & appellant, necessario articulo fidei fundamentum in scripturis sanctis invenitur, cum necessario quodlibet fidei dogma sua in scripturis testimonia habeat: Neq; enim supra, quod scriptum est, sapere nos decet 1. Cor. 4, 6. imò, quod de Scripturis non habet autoritatem, eadem facilitate contemnitur, quâ probatur, ut loquitur Hieronymus in Matth. 23. Jam verò ex scripturis aut nulla, aut aliena prorsus & longè petita adversarij afferunt testimonia, ut locum illum planè ad intelligendum difficilem, si-*

cut aliquoties eum appellat Augustinus, 1. Cor. 3. v. 15. Ipse
salvus erit, sic tamen quasi per ignem. Item Matth. 12.
v. 32. Non remittetur neque in hoc, neque in futuro
seculo. 1. Cor. 15. v. 29. Quid facient, qui baptizantur
pro mortuis. Matth. 5. v. 25. Non exhibis inde, donec
reddas quadrantem novissimum; & ejusmodi alia, ex
quibus nullâ solidâ consequentiâ effici potest id, quod intendunt
adversarij: Neq̃, unquam Ecclesia hac loca sic intellexit, ut nunc
ea explicant Romanenses.

XVI. Duplicem tantum Scriptura purgationem pecca-
torum novit; externam Leviticam ad emundationem carnis,
& internam spiritualem ad emundationem cordis. Illa tribu-
itur Leviticis ceremoniis, Levit. 12, 8. cap. 13, 6. cap. 14, 9. Hæc
verò tribuitur Christo, Spiritui Sancto, verbo & Sacramentis,
& fidei. Heb. 9, 13. Si sanguis taurorum & hircorum &
cinis vitulæ aspersus inquinatos sanctificat ad emun-
dationem carnis, quantò magis sanguis Christi, qui per
Spiritus æternum seipsum obtulit immaculatum Deo,
emundabit conscientiam nostram ab operibus mortuis
1. Joh. 1, 7. Sanguis Christi emundat nos ab omni pec-
cato. Apoc. 1, 6. Lavit nos à peccato suo sanguine. Heb.
1, 3. Facta per seipsum purgatione peccatorum nostro-
rum, sedit ad dextram Dei. Verbo & baptismo tribuitur
Joh. 15, 3: Vos mundi estis propter sermonem, quem
locutus sum. Eph. 5, 26. Christus mundat Ecclesiam
lavacro aquæ in verbo. Fidei adscribitur Act. 15, 9: Fide
purificans corda eorum. Spiritui Sancto, 1. Cor. 6, 11. Ab-
luti estis, sanctificati estis in nomine Domini Jesu & in
Spiritu Dei nostri. Alterius cujusdam purgationis nullibi
fit mentio, nec ullibi igni aut cruciatibus quibusdam post hanc
vitam sustinendis purgatio peccatorum adscribitur: Tribulati-
onibus forsan hujus vite tribuitur, quia concurrunt cum mediis

divinitus ordinatis ad purgationem peccatorum spiritualem; at cruciatibus alterius vite Christus ad suos purgandos non utitur, nec est conveniens medium purgationis ignis: Caro enim non igni, sed aqua purgatur: Unde lavacro aqua & sanguine Christi mundari dicimur.

XVII. Bellarminus quidem lib. 1. de Purg. c. 1. Tria in scripturis inveniri dicit, quibus tribuatur purgatio peccatorum, Christum, tribulationes & ignem purgatorium: Sed in his subticet verbum, sacramenta & fidem: & deinde pro tertio membro non affert claram probationem, sed dicta supra citata, ex quibus id, quod vult, non sequitur: quod ipse Bellarminus ex parte fatetur lib. 1. c. 4, cum dicit, ex Matth. 12. v. 32. non tequi id, quod astruere conantur, secundum regulas Dialecticorum, sed tantum secundum regulam prudentiae: Quasi vero ulla sit solida consequentia, quae non sit Dialectica vel Analytica. Idem alij clarius fatentur. Petrus à Soto in Assert. Cathol. p. 83. Non est, inquit, cur mirari debeamus, quod nec Prophetica nec Apostolica scripta aliquid certi & perspicui de Purgatorio tradiderint, cum certum sit multa sine Scripturis esse tradita. Multo ante Sotum Joh. Fischerus Roffensis contra Lutherum art. 18. Tametsi, ait, ex scripturis non possit probari Purgatorium, veritas ejus nihilominus cunctis Christianis est credenda. Ibidem: Quanquam fortassis unam aliquam scripturam, quae protervientem adigat, uti velit nolit, confiteatur, in promptu non sit adducere: potest esse nihilominus illic aliqua, tamen si diligentissimos inquisitores hactenus latuerit.

XVIII. Deinde falsis hac doctrina superstruitur hypothesebus, remitti sc. culpam ex parte, ut maneat adhuc debitum luende pœne temporalis vel in Purgatorio, vel in hac vitâ: Scriptura enim talem remissionem peccatorum & effectum clavium Ecclesia nobis describit, quo cum imperfecta ista peccatorum remissio

missio consistere nullâ ratione potest. Ita enim Deum remittere peccata testatur, ut eorum amplius recordari nolit *Ezech.* 18, 22. ut projiciat ea post tergum *Es.* 38, 17. demergat in profundum maris *Micha* 7, 10. deleat instar nubis *Es.* 44, 27. ut tam longè ea à nobis removeat, quàm est oriens ab occidente *Pf.* 103, 12. ut non imputet transgressionem *Rom.* 4, v. 8. ut totum debitum condonet *Matth.* 18, 33. ut nulla in peccatoribus amplius sit condemnatio *Rom.* 8, 1. Quæ dicta alioquin contra nos urgere solent adversarij, ut defendant, post baptismum nihil peccati remanere in homine, & tamen hoc loco improvidè sentiunt, remisso peccato, pœnas multo acerbiores remanere, quàm sint omnes in universum afflictiones, quas in hac vitâ aliquis perpeti queat: Sic enim describunt cruciatus Purgatorij.

XIX. Altera falsa hypothesis est: Quod nostra satisfactiones ad relaxandam pœnam temporalem requirantur. Scriptura enim soli passioni Servatoris satisfactionem, eamq; plenissimam pro peccatis nostris tribuit. Utique dolores nostros ipse tulit, ait *Esaias* 53, 4. vulneratus & attritus est propter peccata nostra, castigatio pacis nostræ seu retributionis nostræ, quæ nobis erat tribuenda. super eum v. 5. liberavit nos à maledicto legis i. e. ab omnibus pœnis peccatorum *Gal.* 3, 13. Sanguis ejus emundat ab omni peccato 1. *Joh.* 1, 7. neq; id imperfectè, sed perfectissimè: Una oblatione peccatorum consummavit in æternum sanctificandos *Heb.* 10, 14. Nec permittit justitia Dei, ut idem peccatum bis puniatur, in Christo & in nobis. Citatorum locorum evidentia convictus ipse Bellarminus lib. 2. de Indulg. c. 10. Christus, inquit, satisfecit Deo Patri plenissimè pro reatu culpæ & pœnæ temporalis & æternæ omnium peccatorum. Ad quid igitur sodes nostræ satisfactiones requiruntur? ut applicentur satisfactiones Christi? At ubi de tali applicatione Scriptura agit? si sine nostra satisfactione applicatur nobis satisfactio Christi

si quoad remissionem culpa & pœne aeternae, quidni etiam quoad remissionem pœnae temporalis?

XX. Tertiò tot sunt animarum post hanc vitam receptacula, quot sunt hominum diversimodè viventium genera: Pro ut enim homo vixerit, ita post hanc vitam premium vel pœnam recipiet, & in diversa loca recipietur. Sic Bellarminus ipse lib. 1. de Purg. c. 11. ex diversis hominum generibus diversa habitacula extruere conatur. Sed hominum genera duo tantum Scriptura novit, credentium & incredulorum Marc. 16. 16. Joh. 3. 18. & v. 36. filiorum lucis & filiorum hujus seculi Luc. 16. 8. carnalium & spiritualium Rom. 8. v. 5. Gal. 6. v. 8. eorum, qui cum Christo sunt, & qui contra Christum Matth. 12. 30. Ideò duo tantum pro his receptacula dantur, cœlum pro credentibus, & infernus pro incredulis. Sicut enim inter credere & non credere, spirituale & carnale nullum datur medium; sic nec inter absolutionem & condemnationem datur medius actus; nec inter habitacula, ubi absolutio & condemnatio se exerit, datur medius locus.

XXI. Ideò & disertè duò tantum receptacula nominantur in scripturis. Congregabit triticum in horreum suum, paleas autem comburet igni inextinguibili Matth. 3. 12. Porta una deducit ad perditionem, altera ad vitam, Matth. 7. 13. Pii cum sanctis Patriarchis recumbunt in regno cœlorum, impii ejiciuntur in tenebras exteriores Matth. 8. 12. Lazarus ab Angelis deportatur in sinum Abrahæ, dives epulo in infernum detruditur, Luc. 16. v. 22. 23. Nec est, quod dicant, agi de locis perpetuis, non temporalibus: Contextus enim distinctionem illam non admittit, cum totus motus quasi ex statu hujus vite in statum alterius vite describatur, & ex proposito Christus & Apostoli homines moneant de premiis & pœnis post hanc vitam expectandis, quò conari, quid vitare debeant. Inde pœnarum temporalium

poralium hujus vite evitandarum sæpius meminit scriptura; & temporalium cruciatuum post hanc vitam, qui longissimè omnes hujus vite dolores & cruciatus excedant, non meminisset, si quidem tales darentur?

XXII. Eadem de causâ, quia post mortem duo tantum omnes homines status manent, ex quibus nemo post fata eluctari queat, tam crebrò nobis Scriptura inculcat, tempore hujus vite utendum esse, quò ad statum beatorum perveniamus & statum damnatorum effugiamus. Tempus breve est, ait Apostolus 1. Cor. 7, 29. scilicet, quo in nostrum commodum uti possumus; & tempus opportunum redimendum monet Eph. 5, 16. Currere debemus, dum in stadio sumus 1. Cor. 9, 24. Cursus enim consummatur in morte 2. Tim. 4, 7. dum tempus habemus, operemur bonum ad omnes Gal. 6, 10. Venit nox, quando nemo potest operari, quæ est, quando quis non est ampliùs in hoc mundo Joh. 9, 5. Nemo igitur post hanc vitam pœnitentiam agere, pro peccatis suis satisfacere, & scelus suum expiare potest: Secus enim & post hanc vitam operatio, & cursus & tempus æternas pœnas evitandi daretur.

XXIII. Porro Scriptura perspicuè docent, eos, qui in Domino, i. e. in fide & pœnitentiâ moriuntur, statim à morte beatos esse, & ad locum gaudij aut solatij pervenire. Beati mortui, qui in Domino moriuntur à modò: Profectò dicit Spiritus, quod requiescant à laboribus suis Apoc. 14, 13. Animæ justorum sunt in manu Dei, ubi nullum eas tormentum attingat Sap. 3, 1. Justi per mortem suam ingrediuntur in pacem & requiescunt in cubilibus suis Es. 57, 1. Scimus, quod, dissolutâ terrestri domo nostrâ hujus habitationis, ædificium ex Deo habeamus in coelis 2. Cor. 5, 1. ubi hac immediatè connectuntur, corpus, mors & cœleste habitaculum: Neg. id nos præsumere dicit Apostolus, sed scire. Et postea v. 6. & 8 Dum sumus in corpore, pe-

re, peregrinamur à Domino, cum peregrinamur à corpore, praesentes sumus apud Dominum. *Christus similiter Joh. 5. v. 24. credentes in iudicium non venire, dicit, sed transire de morte in vitam. Nullum ergò iudicium, nulla damnatio ad poenas aut cruciatus interponitur inter mortem & vitam aeternam. Sic Latro in cruce statim cum Christo in paradisum veniebat Luc. 23. 43, eo ipso vid. die, quo crucifixus erat, cum circa vespere demum moreretur; & Lazarus statim portatus est in sinum Abrahae, dives epulo detrusus est in infernum Luc. 16. 22.*

XXIV. *Et hoc ipsum dum sciunt fideles, leti mortem cum vitâ commutant, imò nihil magis desiderant, quàm beatum ex hac vitâ discesum. In hoc suspiramus expetentes domicilio nostro, quod è cœlo est, superindui 2. Cor. 5. 2. desideramus magis peregrinari à corpore v. 8. Mori mihi lucrum; cupio dissolvi & esse cum Christo Philip. 1. 23. quæ verba quisvis Christianus cum Paulo usurpare potest: Suo n. exemplo, quales in vitâ & morte se gerere debeant, Christianos omnes docet. Sicut & quisque verba Simeonis sua facere potest Luc. 2. 29. Nunc dimittis servum tuum Domine in pace, è vinculis, & doloribus corporis eum transire facis ad quietem. Et ut ejusmodi cogitationem & spem homo pius concipiat, nec quicquam laboris aut molestiae post hanc vitam metuat, Scriptura mortem sapius cum somno comparat & piè defunctos dormire asserit Joh. 11. 11. 1. Thess. 4. 13. Quam piorum in Davaia ac mortis contemptum sanctumq. moriendi desiderium doctrina de Purgatorio plane subvertit: Quomodo enim non contremisceret, & cum summâ cordis angustia, ingentiq. horrore hinc discederet, qui se ad tantos cruciatus & tam dira tormenta pergere cognoverit?*

XXV. *Tandem Patres primorum quinque seculorum quod attinet, illi certe doctrinam recentis Romanæ Ecclesiæ de Purgatorio*

torio prorsus ignorant, & tùm apertè duo tantùm receptacula
 cœlum & infernum, locum gaudii & supplicii, in quæ statim a-
 nima post solutionem à corpore perveniant, astruunt; tùm ejus-
 modi nobis sententias passim suppeditant, quibus cum Purgato-
 rium consistere nullâ ratione possit. *Seculo II. Justinus Mar-*
tyr, vel quicumq; fuerit Autor, in quest. & resp. ad Orthodoxos
quest. 75. Post exitum è corpore, ait, statim fit justorum
& injustorum discretio: Abducuntur n. ab Angelis ad
condigna se loca. Ac justorum quidem animæ in pa-
radisum, ubi consuetudine & aspectu fruuntur Ange-
lorum & Archangelorum, adde & conspectum Serva-
toris Christi, ut est in illo: Peregrinantes à corpore &
versantes apud Dominum: Injustorum a. animæ du-
cuntur in inferni loca. Idem autor quest. 60. notabilem ha-
bet sententiam, quæ Purgatorium destruit: Est a. inquit, hæc
de Lazaro & divite narratio illustris & evidens sermo,
quo docetur, non posse post animæ ex corpore exi-
tum, homines ullâ providentiâ, aut studio assequi ul-
lam utilitatem.

XXVI. Eodem seculo, quo Alexandria floruit Justinus,
Lugduni in Galliâ vixit Irenæus, qui se discipulos Apostolorum
audivisse gloriatur: Hic lib. I. c. 2. ex professò recensens articu-
los fidei Catholica, cum maximè ansam haberet loquendi de
Purgatorio, nihil ejus meminit. Ut spiritualia quidem, in-
quit, nequitia & angelos transgressos atq; Apostatas
factos & impios & injustos & iniquos & blasphemos
homines in æternum ignem mittat: Justis a. & æquis
& præcepta ejus servantibus quibusdam quidem ab
initio, quibusdam a. ex pœnitentiâ vitam donans, in-
corruptelam loco muneris conferat & claritatem æter-
nam circumdet.

XXVII. *Seculo III. Origenes Clementis Alexandrini discipulus Caesariensis in Syria Presbyter in pref. libri de apoc.:* Anima, inquit, substantiam vitamque habens propriam, cum ex hoc mundo discesserit, pro meritis suis dispensabit, siue vitæ æternæ ac beatitudinis hæreditate potitura, si hoc ei sua gesta præstiterint, siue igni æterno ac suppliciis mancipanda. *Idem lib. 6. contra Celsum:* Quamobrem & nobis, inquit, post exactos in hac vitâ labores spes est coeli summa conscendere.

XXVIII. *Eodem seculo Garthaginensis Ecclesie Episcopus fuit Cyprianus, qui in sermone de mortalitate:* Hoc, ait, quod sine ullo discrimine generis humani iusti cum iniustis moriuntur, non est, quod putetis, bonis & malis interitum esse communem. Ad refrigerium iusti vocantur, ad supplicium rapiuntur iniusti, datur tutela fidentibus, perfidis poena. *Ibidem circa finem:* Cum accerfitionis propriæ dies venerit, incunctanter & libenter ad Dominum, ipso vocante, veniamus. Amplectamur diem, qui assignat singulos domicilio suo, qui nos istinc creptos & laqueis secularibus exutos paradiso restituit & regno coelesti. *Et tract. 1. contra Demetrianum:* Hortamur, inquit, dum facultas adest, dum adhuc aliquid de seculo superest, Deo satisfacere. Quando istinc excessum fuerit, nullus jam locus poenitentiae est, nullus satisfactionis effectus. Hic vita aut amittitur, aut tenetur, hic salutis æternæ cultu Dei & fructu fidei providetur. Venia confitenti datur & credenti indulgentia salutaris de divinâ pietate conceditur & ad immortalitatem sub ipsâ morte transitur. *En quid clarius?*

XXIX. *Seculo IV. Athanasius Alexandrinus Episcopus in libro de Virginitate non procul à fine:* Non est iustis mors, ait, sed translatio, quippe qui transferuntur ex hoc mun-

mundo in requiem æternam, non aliter, quàm si quis de excubiis abeat; ita quoq; Sancti à malâ istâ vitâ discedunt ad bona, quæ illis parata sunt, quæ oculus non vidit, nec auris audivit, neq; in cor hominis subierunt. *Cocontaneus Athanasii fuit Macarius Senior Presbyter Ægyptius Antonii discipulus: Is hom. 22. de duplici statu decedentium.* Cum anima, *inquit*, decesserit è corpore hominis, tunc magnum quoddam peragitur mysterium: Nam si fuerit illa peccati rea, accedunt chori dæmonum & angeli sinistri ac potestates tenebrarum, apprehendunt animam illam & imperio suo subjugatam in suas partes pertrahunt.— Quod a. res ita se habeat, ex eâ parte potes intelligere, quæ felicioris est conditionis: Siquidem ex præsentì tempore Sanctis Dei servis assistunt angeli ac Sancti Spiritus circumdant eos & custodiunt. Cumq; exierint è corpore, chori angelorum assumunt animas in suam partem in seculo puro & sic adducunt eas ad Dominum.

XXX. *Postea medio hoc seculo apud Pictavos in Galliâ Episcopatum tenuit Hilarus, qui in Enarratione Psalmi 2. sub finem:* Ne quis, *ait*, sibi interim poenæ lucro inter moras judicij blandiatur: In brevi namq; exardescit ira. Excipit n. nos statim infernus & decedentes de corpore, si ita vixerimus, confestim de viâ rectâ perimus. Testis nobis sunt Evangelij dives & pauper, quorum unum Angeli in sedibus beatorum & in Abraham sinu locaverunt, alium statim poenæ regio suscepit. Adeo a. statim poena mortuum excepit, ut etiam fratres ejus in supernis manerent. Nihil illic dilationis & moræ est. Judicij n. dies vel beatitudinis retributio est æterna vel poenæ. Tempus v. mortis habet interim unumquemq; suis legibus, dum ad judicium unumquemq; aut Abraham reservat, aut poena.

XXXI. *Vixit quoq; hâc tempestate Gregorius Nazianzene in Cappadociâ Ecclesiæ Episcopus, quiorat: 10. de laudibus Casarii fratris: Sapientum, inquit, verbis adducor, ut credam, pulchram omnem animam & Deo charam, posteaquam corporis vinculis soluta hinc excefferit, protinùs bonum, quod eam manet, persentientem & contemplantem mirabili quâdam voluptate affici & exultare, atq; hâc vitâ, tanquam gravi quodam ergastulo, liberatam, compedibusq; illis, quibus mentis alæ deprimebantur, solutam summâ cum hilaritate ad Dominum suum tendere, ac reconditam beatitudinem jam velut per imaginem & simulacrum percipere.* Συγγεγραμ. Gregorii fuit Epiphanius Salamina in Cypro Insulâ Episcopus, qui heresi 59, quæ est catharorum, nu. 10. Sed neq; pietatis, inquit, ullum lucrum est, aut poenitentiae, uti diximus, post mortem. Non n. Lazarus illic ad divitem pergit, neq; dives ad Lazarum. *Rationem statim addit: Siquidem obsignata sunt promptuaria, atq; expletum tempus est, certamen confectum, vacuum stadium, distributæ coronæ; & qui certarunt, quiescunt, & qui non prævenerunt, excessere: & qui non decertaverunt, non ampliùs adsunt: & qui in stadio victi sunt, ejecti sunt, & omnia palam consummata sunt post factum hinc diceffum.*

XXXII. *Non minùs hoc tempore in Italiâ claruit Ambrosius Mediolanensis Episcopus. Hic Tom. 3. de obitu Valentiniani Imperatoris circa finem: Nec nos quidem, ait, dubitamus de meritis Valentiniani, sed jam credamus vel testimoniis Angelorum, quod desertâ labe peccati ablutus ascendit, quem sua fides lavit & petitio consecravir. Credamus, quia ascendit à deserto, hoc est, ex hoc arido & inculto loco ad illas florulentas delectationes, ubi cum fratre conjunctus æternæ vitæ fruitur voluptate.*

ptate. *Et de obitu fratris sui Satyri:* Christ s etsi nunc non tetigit loculum, suscepit tamen commendatum Spiritum: etsi non apellavit corporis voce defunctum, divinæ tamen potestatis autoritate â cruciatibus mortis & nequitie Spiritualis incurfionibus ejus animam liberavit. Etsi non refedit in loculo, qui erat mortuus, tamen requievit in Christo. Etsi non locutus est nobis, tamen ea, quæ supra nos sunt, cernit, & quæ potentiora sunt nobis, jam se videre lætatur. *Et post:* Intravit igitur in regnum cœlorum, quoniam credidit Dei verbo. *Item:* De istius beatitudine nequaquam utiq; dubitare debemus. *Pariter de obitu Theodosii Imperatoris in medio:* Feriatus his seculi curis Theodosius se ereptum gaudet & elevat animam suam, atq; ad illam perpetuam dirigit requiem — Illa est vera gloria, quæ ibi fumitur, illud regnum beatissimum, quod ibi possidetur, ad quod festinabat Apostolus dicens: Audemus ergo & consentimus magis peregrinari de corpore & adesse ad Dominum, & ideo annitimur, sive absentes, sive præsentes, placere illi: Absolutus igitur dubio certamine fruitur nunc Augustæ memoriæ Theodosius luce perpetuâ; tranquillitate diuturna, & pro iis, quæ in hoc gessit corpore, munerationis divinæ fructibus gratulatur.

XXXIII. *Non aliter in suis orationibus loquitur Gregorius Nyssæ Episcopus Basilii M. frater; veluti in funere Pulcheriæ:* Etiam si, inquit, â te dicessit puella, attamen ad Dominum recurrit: tibi oculum clausit, sed lumini æterno aperuit: â tuâ mensâ remota est, sed angelicæ adhibita: hinc planta revulsa est, at in paradiso sata est; de regno ad regnum traducta est: purpuræ florem exuit, at superi regni amiectum induit. *Similiter in funere Placilla;*

cille: Salvum, inquit, fratres est bonum, quod quærimus, saluum est, non periit. Imò v. minus dixi, quàm veritas habet. Non modò n. saluum bonum est, verùm etiam est in sublimioribus, quam priùs. Imperatricem quæris? In palatio domicilium habet—Tunc videbis, cum & ipse è corpore eminens prospexeris. Et paulo post: Quid igitur molestum & acerbum est, si à vitæ malis beata ista segregata est, & veluti lemâ quadam, corporis sordibus abjectis pura anima ad immortalem & incorruptam vitam transit.

XXXIV. Sub finem huius seculi in Palestinâ floruit Hieronymus Presbyter Hierosolymitanus, & Romæ versatus, qui in Epitaphio Nepotiani Presbyteri, sui ex sorore nepotis, non procul ab initio: Scimus quidem, inquit, Nepotianum nostrum esse cum Christo & Sanctorum mixtum choris, quod hîc nobiscum eminus rimabatur in terris, & æstimatione quærebat, ibi videntem cominus dicere: Sicut audivimus, sic & vidimus. Et ad Paulam super obitu Blessillæ filiae: Postquam sarcinâ carnis abjectâ ad suum anima revolavit autorem, & in antiquam possessionem diu peregrinata conscendit, ex more parantur exequiæ, & nobilium ordine præeunte, aureum feretro velamen obtenditur. Videbatur mihi nunc clamare de coelo: Non agnosco vestes, amictus ille non est meus. Et post: Lugeatur mortuus, sed ille quem gehenna suscipit, quem tartarus devorat, in cuius poenam ignis æstuat. Nos, quorum exitum angelorum turba comitatur, quibus obviam Christus occurrit, gravamur magis, si diutius in tabernaculo isto mortis habitemus. Sic ad Theodoram in Epitaphio Lucinij: Obsecro te & currentem, ut ajunt, impello, ut Lucinium tuum desideres quidem, ut fratrem, sed gaudeas regnare cum Chri-

Christo — Ille jam securus & victor te aspicit de excelsso, & favet laboranti: Et juxta se locum præparat.

XXXV. *Sub initium seculi V. vixit Johannes Chrysostomus Constantinopolitanus Episcopus, qui hom. 4. in Ep. ad Heb. in Morali: Dic mihi, inquit, quid sibi volunt claræ lampades? Annon eos tanquam Athletas deducimus? Quid a. hymni? Annon Deum glorificamus, & gratias agimus, quod eum, qui excessit, jam coronaverit? quod à laboribus liberaverit? quod ejecto metu eum apud se habeat? Et homil. 36. in Genesim: Qui vitam honestè & in virtutibus egerunt, quando ex hac vita emigrant, verè liberantur, & quasi solvantur certaminibus, & à vinculis relaxantur. Est n. mors his, qui benè vivunt, translatio quædam ad meliora: à momentaneâ vitâ ad perpetuam & immortalem finemq; non habentem. Et hom. 2. de Lazaro: Donec hîc fuerimus, spes habemus præclaras, simulatq; v. discefferimus illuc, non est in nobis situm poenitere, neq; commissâ diluere.*

XXXVI. *Huc quoq; spectat Augustinus Hypponensis in Africâ Episcopus, quem supra diximus semina prima Purgatorii sparsisse, nihilominus clarè contra illud loquitur lib. 13. de Civit. Dei c. 8. In requie sunt, ait, animæ piorum à corpore separatae, impiorum a. poenas luunt, donec istorum ad vitam æternam, illorum v. ad æternam mortem, quæ secunda dicitur, corpora reviviscant. Et lib. 21. c. 25. Qui talia agunt, regnum Dei non possidebunt: Hæc profectò Apostolica falsa est sententia: Si tales post quantalibet tempora liberati regnum Dei possidebunt. Sed quoniam falsa non est, profectò regnum Dei non possidebunt. Et si in regni Dei possessione nunquam erunt, æterno supplicio tenebuntur, quoniam non est*
locus

locus medius, ubi non sit in supplicio, qui illo non fuerit constitutus in regno.

XXXVII. Cyrillus hoc seculo Alexandrinus Episcopus fuit, qui lib. 12. in Johannem cap. 78. Credere namq; ait, debemus, cum à corporibus Sanctorum animæ abierint, tanquam in manus charissimi Patris bonitati divinæ commendari: nec, ut quidam infidelium crediderunt, in terris conversari, quousq; sepulturæ honoribus affectæ sint: nec peccatorum animæ ad immensicruciatum locum id est ad inferos deferri: itinere hoc nobis à Christo primùm præparato; Sed in manus potius Patris evolare. Tradidit enim animam suam manibus Genitoris, ut ab illà & per illam facto initio certam hujus rei spem habeamus, firmiter credentes, in manibus Dei nos post mortem futuros, vitamq; multò meliorem ac perpetuò cum Christo victuros: ideo enim Paulus desideravit resolvi & esse cum Christo.

XXXVII. Medio hoc seculo vixit Prosper Aquitanus Episcopus Rhegiensis in Galliâ, Augustini discipulus, qui lib. 1. de vitâ contemplativâ cap. 1. Quia, inquit, secundum scripturæ sacræ sermonem tota humana vita tentatio est super terram, tunc est tentatio finienda, quando finitur & pugna: & tunc est finienda pugna, quando post hanc vitam succedit pugnæ secura victoria: ut omnes milites Christi, qui usq; in finem vitæ præsentis divinitus adjuti suis hostibus infatigabiliter restiterint, laboriosâ jam peregrinatione transactâ, regnent felices in patriâ. Sub finem sæculi hujus Gennadius Massiliensis in Galliâ Presbyter in libro de Ecclesiasticis dogmatibus, qui extat inter libros Augustini Tom. 3. cap. 76. Post ascensionem, ait, Domini ad cœlos omnium sanctorum animæ cum Christo sunt, & exeuntes de corpore ad Christum vadunt,

expectantes resurrectionem corporis sui, ut ad integram & perpetuam beatitudinem cum ipso pariter immutentur, sicut & peccatorum animæ in inferno sub timore positæ, expectant resurrectionem sui corporis, ut cum ipso ad poenam detrudantur æternam. Poenitentia aboleri peccata indubitanter credimus, etiamsi in ultimo vitæ spiritu admissorum poeniteat; quia propositum Dei, quo decrevit salvare, quod perierat, stat immobile: & ideo, quia voluntas ejus non mutatur, siue emendatione vitæ, si tempus conceditur, siue supplici confessione, si continuò vitâ exceditur, venia peccatorum fideliter præsumatur ab illo, qui non vult mortem peccatoris, sed ut convertatur à perditione poenitendo & salvatus miseratione Domini vivat. Si quis aliter de justissimâ Dei pietate sentit, non Christianus, sed Novatianus est.

XXXIX. *Ex his abundè constat, quæ fuerit primitiva Ecclesie sententia, sc. quod Purgatorium penitus ignoraverit, & proinde novæ prioribus sæculis inaudita sit, doctrina, quam Papæ sectatores nostri temporibus vel paulo ante commenti sunt, adeoque, nisi toti antiquæ Ecclesie hæreseos dicam adversarii impudenter scribere velint, nos ob negatum Purgatorium hæreseos insimulare desistent. Evidentiora, hæc quæ adduximus, sunt testimonia, quàm ut ullis glossis aut peregrinis commentationibus depravari queant. Neq. possunt adversarii pro sua sententia dicta Ratum citare, nisi obscura, longè petita, & nihil minùs, quàm Purgatorium, probantia. Quicquid n. asserunt vel spectat preces pro defunctis, vel opinionem quorundam privatam de purgatione post resurrectionem mortuorum & diem judicii, ex 1. Cor. 3, cujus supra mentionem injecimus, quæ certè longèsimè abest à doctrina moderna Pontificiorum de Purgatorio.*

XL. Preces pro defunctis, quod fatemur, Patres in primis
seculis astruunt, usurpant, defendunt; imò constat tertio quar-
toq; seculo & deinceps hunc morem propemodum universaliter
abrinuisse, ut non in funere solùm, sed anniversaria etiam die
orationes & oblationes pro mortuis fierent. Sed quod Purga-
torium statuerit antiqua Ecclesia, inde nondum conficitur.
Nam pro omnibus promiscuè orabat etiam in cœlo constitutis;
sicut dicit Augustinus libro de curâ pro mortuis cap. 4. Non
esse prætermittendas supplicationes pro spiritibus
mortuorum, quas faciendas pro omnibus in Christia-
nâ & Catholicâ societate defunctis suscepit Eccle-
sia. Ambrosius Gratianum & Valentinianum Imperatores
beatos statuebat, ut supra vidimus, attamen in eadem oratio-
ne de obitu Valent: Nulla dies, inquit, vos silentio præ-
teribit: nulla nox non donatos aliquâ precum mea-
rum contextione transcurrat. Similiter pro Satyro fra-
tre orat, de cujus beatitudine nequaquam dubitandum, dice-
bat: Tibi nunc, omnipotens Deus, innoxiam com-
mendo animam: tibi hostiam meam offero, cape se-
rens & propicius fraternum munus. Quin orabant
in primitivâ Ecclesiâ pro Patribus & Patriarchis & Prophe-
tis, & Apostolis, & Evangelistis, & Martyribus, & Confesso-
ribus, ut habet Epiphanius hæres: 75. num. 7. quos nequa-
quam statuunt Pontificii in Purgatorio esse, vel ad illud per-
venisse.

XLI. Deinde multi dantur alij fines, ob quas ejusmodi de-
precationes fiebant, ut nihil necesse sit de Purgatorio cogitare.
Fundebat sc: Ecclesia has preces pro defunctis ex fervente cha-
ritate, ut demonstraret, quantopere desideraret, eos partici-
pes esse salutis illius æternæ & futura gloriosa resurrectionis,
ad quam & ipsa toto pectore anhelaret; item ut viventes inde
solatium

solatium perciperent & de beatorum obitu eo magis confirmarentur; porro ut Deo ita pro beneficiis in defunctos & viventes collatis grati agerentur. Denique & hoc fatemur, quod existimaverint, defunctos precibus viventium juvari, veluti Tertullianus in lib. de Monogamia viduam hortatur, ut pro anima mariti oret & refrigerium interim adpostulat ei & in prima resurrectione consortium, offeratque annis diebus ejus dormitionis. Athanasius q. 33. ad Antiochum; peccatorum, inquit, animæ ex piorum precibus & bonis operibus solamen accipiunt. Chrysostomus Homil. 41. in 1. Cor. Non sunt, ait, hæc temerè excogitata, sed ut inde eis aliqua sit consolatio.

XLII. Talia occurrere in patribus non negamus, sed purgatorium inde non sequitur: Existimaverunt enim, ne dicam de corpore, quod putrefactioni obnoxium iterum excitandum est, animam etiam in cælo existentem, licet beata jam sit, nondum tamen completam beatitudinem obtinere ante resurrectionem, quando cum corpore iterum uniatur, uti imprimis constat ex verbis Gennadij supra citatis; itaque hætenus in ipso etiam cælo & statu beatorum defunctis intercessionibus viventium prodesse posse judicaverunt. Nonnulli etiam iis minui ipsos damnatorum, si non omnium, saltem quorundam cruciatus in inferno existimaverunt. Sic Chrysostomus homil. 3. in Epist. ad Philip. in Morali dicit, eos inde aliquid percipere refrigerationis. Augustinus in Enchiridio cap. 110. idem dicit: Non omnibus prosunt, ait, & quare non omnibus prosunt, nisi propter differentiam vite, quam quisque gessit in corpore? — Quibus autem prosunt, aut ad hoc prosunt, ut sit plena remissio, aut certè tolerabilior fiat ipsa damnatio.

XLIII. Sanè Augustinus eo usque progreditur, ut dicat, preces defunctis prodesse ad plenam remissionem peccatorum.

Sed

Sed nec sic purgatorium statuitur, cum animam in tali statu
post hanc vitam aliquantisper versari posse existimet, in quo re-
missionem peccatorum adhuc obtineat, nec tamen sit in carcere,
in quo igne purgetur & expietur. Hac ita patres senserunt
de precibus pro defunctis in scriptura non fundatis; ex quibus
adeo manifestum est, quod inde nequaquam ostendi possit, vete-
res Purgatorium credidisse. Nihil igitur est, quod nos ad sta-
tuendum ignem purgatorium moveat, multa v. sunt, quae in con-
trarium evincant, novam, Scripturis adversam, priscis seculis in-
cognitam, esse doctrinam de Purgatorio. Valeant igitur isti
superstitiosi, qui praecipuum Christianis solatium de viciis
& abitu piorum ex hac vita ad locum meliorem ereptum eunt;
nos, quod nobis Scriptura manifestè suggerit, & antiqua Ecce-
lesia Catholica credidit, certi sumus, animas nostras, quàm
primum è corpore exeunt, à Christo suscipi
& aeternâ quiete frui.







